



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბუჭყიაშვილი ალექსანდრე ბეჟანის ძე

ბუჭყიაშვილი (ბუჩქიევი) ალექსანდრე ბეჟანის (ბორისის) ძე (24. VIII. 1825 – 28. II. 1902, თბილისი), რუსეთის არმიის არტილერიის გენერალ-ლეიტენანტი (1893), ერეკლე II-ის მინბაშის (ათასისტავი) ივანე ბუჭყიაშვილის შვილიშვილი. სწავლობდა ჯერ თბილ. გიმნაზიაში, 1837-44 – პეტერბ. კადეტთა კორპუსში. მსახურობდა ცარსკოე-სელოს საარტ. ბატარეაში. ბესარაბიაში, 1848-იდან – ვლახეთში. წყაროების მიხედვით აქ მან ფარული დახმარება აღმოუჩინა ლაიოშ კოშუტს, რითაც ალყაში მოხვედრილი უნგრ. რევ. არმია განადგურებას გადაარჩინა. 1851-იდან ბ. ჩრდ. კავკასიაში გადაიყვანეს. მონაწილეობდა ყირიმის (1853-56) და რუს.-ოსმ. (1877-78) ომებში. მსახურობდა ფინეთში (1887-92) საარტ. ბრიგადის მეთაურად. 1893 სამხ. სამსახურიდან გადადგა. იყო მრავალი ორდენის კავალერი. დაკრძალულია ანჩისხატის ეკლესიაში.

ლიტ.: შთონია მ., მოგონება და სინამდვილე, «ცისკარი», 1966, № 3; П о т т о В., Фамилия Бучкиевых в столетнем служении ее России, Тфл., 1901.

**მ. შონია**

---